

中國方志叢書

·華南地方·第一八一號

據

清 · 鄭葵等修 · 桂坫等纂  
· ·宣統二年刊本

影印

廣東省

南海縣志

(一)



成文出版社有限公司印行

\*10096497\*

中國方志叢書

書·華南地方·第一八一號

據

清·鄭菴等修，桂坫等纂  
清·宣統二年刊本

影印

廣東省

南海縣志

(二)



成文出版社有限公司印行



中國方志叢書·華南地方·第一八一號

據清·鄭榮等修，桂坫等纂  
清·宣統二年刊本

影印

廣東省

南海縣志

(三)



成文出版社有限公司印行


\*10096495\*

中國方志叢書·華南地方·第一八一號

據清·鄭藥等修，桂坫等纂  
清宣統二年刊本

影印

廣東省  
南海縣志



成文出版社有限公司印行

2010/08

\*10096494\*

中國方志叢書·華南地方·第一八一號

據清·鄭藥等修，桂坫等纂  
宣統二年刊本影印

廣東省

南海縣志

(五)



成文出版社有限公司印行

\*10096493\*

中國方志叢書·華南地方·第一八一號

據清·鄭茱等修，桂坫等纂  
清宣統二年刊本

影印

廣東省

南海縣志

(六)



成文出版社有限公司印行



\*10096492\*

中國方志叢書

書·華南地方·第一八一號

據


清·鄭藥等修，桂坫等纂  
·宣統二年刊本

影印

廣東省

南海縣志

(七)



成文出版社有限公司印行



中華民國六十三年十二月臺一版

南 海 縣 志

全七冊


發行人：黃 成 助


出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號





宣統庚辰成銅板

重脩南海縣志序

周禮司書掌土地之圖大司徒掌建邦之土地之圖量人邦國之地與天下之涂數皆書而藏之司險掌九州之圖以周知其山林川澤之阻而達其道路是圖經本爲政書由來尙已秦漢以來第詳地理郡縣元和郡縣志元豐九域志本不收入藝文人物吳郡志則以藝文坶各條下不別立一門武功縣志因之自樂史太平寰宇記多載藝文人物而體例始大變元明一統志及通志府縣志因之南海邑志祖自嘉定宋元以來遞有纂輯逮我

朝賡續四次垂之典冊逾三十年余以戊申權篆斯邑時邑人士方重纂志乘上官亦兼采鄉土志通飭各屬定期呈繳遠紹旁搜惟此時爲尤亟方今新政提倡百廢興舉參中外

以定制揆時勢而變通因時紀事體例不無增損敘述不厭求詳此編所著首列圖經起例發凡一如其舊而於新政之沿革因類以擴充如立學堂以宏敎育築鐵路以便交通興實業以開財源設警察以詰奸慝舉凡宜民善俗之方興利釐弊之策莫不列部分門登諸紀載事繁文省綜括靡遺首善多才博雅踵接以時賡續薈萃成書洵足紹美前修昭茲來許矣余謬以菲材濫膺司牧采風俗徵文獻官斯土者所  
有事也得此編綱舉目張通古今辨賢否胥在是矣豈第爲考圖經者之一助乎宣統庚戌六月前知南海縣事張鳳喈序

後序

古者列國皆有史縣之有志史之遺也史記事以垂世寓褒貶示勸懲也志之褒貶難言矣據事直書而褒貶自見此其義也志以備國史取材事必求詳足供採擇乃其體也志以徵存文獻採摭舊文無俾失墜尤其要也至於山川戶口物產土宣治亂災祥廢興沿革科名仕宦忠孝節烈瑣事叢談皆宜備紀不可遺也我邑志自同治壬申續脩以來三十餘年矣事積久則易湮無以流傳何由考見咸丙午禮臣奏准以大祀禮祀孔子邑人集議改易廟制因及脩志籌貲並舉費出各堡捐題不動公款以丁未開局推舉總纂則桂君坫潘君譽徵也分纂則梁君紹熙馮君恩梁君寶常楊君松芬也無何逾年九月潘君遽捐館舍桂君亦以需次浙江去總

纂之席遂虛時余客遊連州已九年矣邑搢紳致書促歸使承其乏自慚矯昧深懼弗勝辭不獲已乃以是冬返里旋進局閱桂君所纂體例仿壬申續志惟闕去官師增入古蹟爲異其已具藁者僅列傳數十篇餘多未輯成余進局後則以各門分任編纂江防金石屬梁君紹熙輿地職官屬梁君寶常建置經政屬馮君原選舉藝文屬楊君松芬梁君寶常未屬藁而卒則轉以輿地屬馮君以職官屬楊君梁君紹熙成江防畧而金石畧未屬藁而卒則轉以屬楊君耆壽節孝先由桂君編錄後又陸續附入者也列傳由桂君派撰者多屬馮楊兩君作藁底不盡傳未便誌別兩梁君成傳數篇則余旣進局始繳到者也編纂分屬以後列傳主藁余自任之每充橐而出與諸君訂定其匡余不逮者楊君爲多余君昇再

本司編校於後兼任纂輯輿地古蹟建置藝文金石經其增補用功獨勤疏舛賴其糾正亦復不少心精力果余媿服焉戴君鴻惠總理局務全橐統經其審定者也圖增入車路則特請招君賀慈繪之事蹟斷限於庚戌成書凡二十六卷爰作而言曰文字之工拙非可以繁簡論也歐陽修新唐書以爲事增於前文省於舊矣而或者議爲僻澀至縣志以簡見稱者莫如康海武功縣志韓邦靖朝邑志康志三卷僅二萬餘言韓志二卷不過六七千言簡之至矣而後儒猶斥爲蕪雜謂其未諳史法獨於康志稱其褒貶尚存直道以余媿陋初不足與言文其於史氏三長更未能夢見一二顧舉一邑人文事蹟使之纂輯成書必不免於猥雜浮濫之譏明矣且人之以行述進者皆欲表揚其祖考者也如其願以應之斯

已耳不如其願以至觖望而動浮言者又豈非事勢所必至乎然吾才不能勉而加惟平吾心而竭吾力以求盡吾責此則吾所欲勉而未敢自信也若毀譽則聽之於人而已必欲盡如人意勢不能也若夫褒貶任情則吾豈敢

宣統三年

月何炳堃謹識